



Extrait de la revue **SingulierS** du 3^{ème} trimestre 2011

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

Rubrique : Éditorial

Fiêsse du Walonîye

On è fiêsté nosse binamé Pays walon dins toutes lès viles dul contrêye, ou cmèçmint d'sètambe. Mês lès djins k' arivèt, ou lès cés d' ôte pôrt, s' i vlèt z-è sawèr du pus, su l' djoûr dul fiêsse èt su lès Walons. Comint dvèt-i fé ?

Dabôrd, c' èst ké djoûr doûwô mès djins ? Sabâye comint trouvu la date adon k' èle n' èst nin markêye dins lès calindrîs ; minme dins l' cé d' Idélux, ène intèrcomunale come i gn-è dins toutes lès provinces, k' èst apwârté pou rin dins toutes lès môjons dul province, nu la marque nin ! Pourtant, dpîs 1998, d' après l' Moniteûr bèlje, çu date la èst la date oficièle dul réjion Walonîye.

Èt l' lingadje walon ... I n' èst nin mètu come lingadje réjional a dusfinde dins l' Eûrope, adon k'brâmint du ptits lingadjes î sont. Tout l' monde sé k' c' èst la fôte dès Flaminds, ki frin.nèt dès cate fiêrs pou n' nin signé la Charte dès « Langues régionales ».

Adon, si on vu l' aprinde, ca c' èst l' mèyeû moyin pou la disfinde, comint fé ? Èh bin sayans d'fé come pou aprinde l' èspagnol û l' anglès : alant al médiatèke, kèru in CD multimédia, come on dit. La, ruwêtans in pô leu catalogue ; on trouve deûs CD dès mots walons da Guy Fontaine ; dins « Lu walon a scole », gn-è pont d' CD ; « Li walon d' Lîdje sins â d' tièsse », c' èst dès diskès... Èt dins la cwan.ne « Langues régionales », gn-è rin su l' walon !

Pourtant, il egzisse bin in CD pou aprinde lu walon « Li walon po tortos », k' è sté èdité grâce a ène bèle subvancion dul Comunôté francèse du Beljike. Il è sté vindu a la FNAC, mès gn-è pont d'ègzamplêre al médiatèke... Adon pou l' trouvu, bone chance ! An Walonîye, doûwô, n' èst nin toudi ôjî d' mète la mwîn su lès bons ustîes.

Pierre OTJACQUES